



Gründtliche und warhafftige Zeitung von Comorra, welche von dem Türckischen Keiser unnd Erbfeind christliches namens belägert, beschossen und bestümt im October diss vier und neuntzigste Jar, wie der Herr Braun sammt seinem Kriegsvolck sich ritterlich und mannlich gewehrt, die Stürm abgeschlagen, auff einer Seiten der Statt hinaus gefallen, den Feind nider gehawen, zerstört und von dan tribe ...

<https://hdl.handle.net/1874/9126>

Gründtliche vnd Barhafftige Zeitung

von Comorra/welche

von dem Türckischen Keiser vnd Erb-
feind Christliches Namens belägert/beschossen vnd
bestürmt / im October diß vier vnd neunzigste Jar/
Wie der Herr Braun samt seinem Kriegsvolck sich
Kitterlich vnd Mäñlich gewehrt/die Stürm abge-
schlagen/ auff einer seiten der statt hinauß gefallen/
den feind nider gehawen/zerstört/vñ von dan tribe.
Wie Sinan Bassa die statt durch fünff Türcken
on einigen Trumeter oder Tromenschläger auff-
fordert/wie sie tractirt seind worden.



Erstlich in Wien getruckt / bey Franciscus Kolb
M. D. XCIII.

Unstiger vilgeliebter Leser vnd frommer Christ/ es
weise fast jedermeniglich / wie der grausam vnd
Blutdürstig Tyrän vñ Erbfeind der Christenheit
sich in diesem 94. Jahr so gewaltig gerüstet/ vñ auf
die Bahng macht/ dieselbige aufzurotten vñ zuuertilgen vor-
habens ist / auch also vil ins werck gericht/ wie (Gott erbarmts)
zusehen vnd in der that gespürt/ wie Gott die Ruch/ wegen vn-
ser groben Sünd vnd laster/ die wie täglich begehrt/ vber vnns
aus streckt. Eben also hat der Blutdürstige Hund vor vil vnnd
manchen faren her nach der Christenheit getrachtet/ wie zu se-
hen ist/ als Solimannus Türckischer Keyser / im jahr 1529.
sich gerüstet hat/ das Christenthumb zu verderben/ darzu ihm
der leidige Sathan trewlich geholffen/ vnd seinen Saamen des
vnfridens/ in Glaubenssacht/ allenthalben gesähet/ grosse Vn-
einigkeit vnder den Christen anstiftet/ also das sie einander mit
Krieg angriffen/ verderbten Stätt/ Schlöffer/ Land vñ Leut/
mit Raub/ Mord vnd Brandt/ vñ den Allgemeinen Glauben/
als Vnkraut aufzureuten/ 2c. In mittler weil zog Soliman mit
macht durch Vngern/ bis in Oesterreich / kam bis auff Wien
die Hauptstatt des Landts/ vnnd schlug sein Läger/ ohn einigen
widerstandt dar für auff/ den 12. September/ griff sie mit allem
erst abn/ thet sie vnder graben/ beschossen vnnd bestürmen/ der
Oberste/ Pfalzgraff Philips/ saitt seinen Kriegsleuten frag-
ten nichts darnach/ theten sich Ritterlich vnd Mäulich wehrē/
schlugen ihm alle Stürm ab/ also das der Türcken gar vil er-
schlagen wurden/ darüber sie ein abschewens trugen/ rüstten sich
vnd zogen wider vñ daruon mit schanden den 16. October/ vnd
richteten nichts auß/ daß er vil tausent auß Vngern im abziehen
mit geschlicffē/ vnd in jämmerliche schwere dienstbarkeit bracht/
vnd setz Waynoda zu Ofen zu einem König in Vngern.

Weil Solimannus Wien verlassen/ vnd mit schanden also
daruon ziehen/ ward er je mehr auff die Christen verbittert/ vnd
noch kein Einigkeit im Teutschland war/ das jenige zu rechnē/

so im zu Wien geschehen/rüstet sich mit also grausamer stärke
von volck zu feld/vnd solche in pracht/das solches nicht wol in
so kurzem begriff/allen erzehl kan werden/kan aber solche nit
vnderlassen/dem Christlichen Leser seinen Hochmütigen auß-
zug zuerklären/warmit er durch Ungern in Oesterreich/vö dann
in Teutschland/ziehen wolt/welches im/seinen Vorfahren vñ
Nachkößlingen ein Herkleid war/das sie solches nicht in ihren
gewalt mögen bringen/2c. Gott behüt Teutschlandt das für.

Anno 1532. den 2. Maij seind auß Constantinopol gezogen
110. Balleen/mit herrlicher Music/allerlei Instrumenten/mit
köstlichen wolriechenden Krutern/vnd edlem gestein geziert.
Den 10. ist groß Fest gehalten worden/Mahomets Fahn mit
ihren Ceremonien geweiht. Den 12. die Kriegerüstung Bäch-
sen/Pulver vnd wunderlichen gewehren. Den 15. 8000. Jamit-
scher/des Türckischen Keisers Guardi. Den 17. 4000. geschick-
te Knecht in köstlichen Türckischen kleidern/von Sammat
Gold/Silber/Perlein/durchstickt mit vnglaublicher kunst.
Disen folgten 50. Wagen mit Tapefferien/vnd Purpur gar
köstlich gemacht/an seglichem Wagen 4. schöner Pferd/auff
welchen des Keisers vnd seiner Concubinen Schatz waren bei
disen waren 4000. wolgerüstet Pferd. Den 17. 4000. Trabant-
ben/1400. Cameel/mit Bezelle/Pallästen/Tabernackeln des
Keisers. Nach disen 200. Kof von Gold/Silber Edelgestein
glinzend/führt man ledig in der handt. Nach den 2000. Reuter
die sie Spackneffen/des Keisers leib verwahret/dabey des kei-
sers Hauptfahn/in welcher Mahomets bildnus mit Perlen
vnd edlem gestein ganz köstlich gestickt. Darnach folgten 100.
fürnemste Camerdiener/auffs aller köstlichst gekleidet/vnder de-
waren 12. hat jeder ein köstlichen Helm auff von Edelmgestein
gold/silber vnd perlein vberank köstlich gemacht/vnder disen
war ein besonderer Helm/zu Venedig gemacht/dem Abrahm
Bascha verkauft/vñ dem Solimannus geschenckt. Ist den 24.
Junij forth auff Griechisch Weissenburg kofen/den 27. mit

12000 zu Ross vnd Fuß wider aufgezozen biß auff Ofen/ Sein
Kriegsvolck war ober 300000. Schanzengräber ober 30000.
sein Geschütz war allerley 102 Stück/ hat damit sein aufflass auff
Wien/ zog doch zuuor auff Güns belegeri/ beschosß vñ bestürmt
dasselbig/ kamen so weit/ das schon 12. Fahnen auff der Mäu-
ren waren/ als solchs das Volck der Statt vernam/ lieff weib
kind/ jung vñ alt/ durch Gottes schickung/ mit grossem geschrey
aus den Häusern/ solchs die Türcken sehend/ das geschrey hö-
rend/ vermeinten es wer ein hinderhalt von kriegsvolck inn den
Häusern gewesen/ schritten sich vmb fielen wider zu ruck/ lieffen
darvon/ also dz die Einwohner der Statt/ on einige gegenwehr
vnd hoffnung/ der Bluthundt erledigt wurden/ zog auff Wien
vnd schlug sein Lager nu weit darvon. In mittelt bracht Keyf.
vnd Kön. May. sampt den Reichsständen key 200000. trefflich
Kriegsvolck auff/ legten die in vnd vmb Wien/ botten da dem
Tyrañ ein Feldschlacht an/ aber der Tyrañ wart den ruck.

Hie hat der Christlich Leser den grössen geiz vñ hochmuth/ auff-
fürst/ vom Türcken erzeht/ wie sein fürnemē damals gewesen die Chri-
stenheit zuuor derben/ vnd wie diser jekund auch gesüet/ ist leichtlich anzu-
mercken in dem/ so geschehen ist/ auch wie er fort dringt/ von einer State
zur andern/ von Raab biß auff Comwora/ da er sein Tyrañisch gemüt
erzeigt/ vnd darfür ruckt/ belägeret sie im October diß 1594. Jar/ mache
Schanzen/ Lauffgraben/ nicht sein Geschütz auff die Statt nach seinem
vorthail. Als nu solchs Herz Braun ersah/ so darinn lag/ samlet er Bur-
ger vnd Kriegsvolck zusamen/ er manet sie/ hielt inen jr zustehend vnheil
für/ sagt: Lieben Krieseuth/ Christi/ vnser vnd Teutscher Nation feind
ist jekt vorhanden/ welcher gang Teutschlandt mit Pech vnd Puluer ge-
trewt hernider zubrennen/ vnd jr Blut sauffen/ wil ich als ein Teutsches
blut den vorgang machen/ Christum bekennen/ welcher sein Blut für vns
willig vergossen/ ligt nichts daran/ ob wir das vnser durch schuß/ stich o-
der streich vergessen/ nempt das schwert Gedeonis in die hand/ vnd streit
für das edel Vatterland/ Ich wil bey euch sehn vnd halten Nacht vnd
Tag/ laßt vns frey daffser wagen/ vnd einander beysehn biß in den tode
sich dem Erbfeind nicht ergeben/ so werden wir Triumphirn/ vnd mit
Christo in Ewigkeit mit leben.

Wnder solchem spate der Türck kein müß noch arbeit/ sieng an die Festung zu vndergraben/ als die in der Statt solch vernamen/ griffen einen muth sielen hinuß/ kämpffte Ritterlich mit jnen/ blib ein grosse süß von Türcken/ mit wenig verluß der vnsern/ Gott hab lob/ dann solches schär müßlen weret erliche stund.

Als nun die Türcken sahen das die Christen widerumb anlieffen/ sie anzugreifen/ ein siel in de muth/ vñnd wichen etwas zuruck/ die Christen aber trungen mit begirlichkeit auff sie zu/ vñnd mit gewalt auff der Türcken Schanz/ eroberten die selbige/ hiewen vil Türcken darnider/ vil verwunt/ vil gefangen/ die andern lieffen daruon/ wiewol die vnsern sich vor solcher Victori nicht versehen hatten/ das Driß/ so der feundt vndergraben hatt/ widerumb zubawten/ zogen also wider inn die Statt/ danckten Gott für solch erlangtes glück/ so er ihnen verleihen hat.

Wie nun Sinan Bassa der Blutdürstige Hundt vernommen/ das sein Volck daruon gewichen/ vñnd wie es ein gestalt mit den Christen inn Comorra hatte/ auch das sie so wol gemuth/ sich so dayffer vñnd munder mit jhnen geschlagen/ rüffet er sich in aller eil/ ruct wider darfür/ vñnd sieng an auff die Statt mit aller macht zu schiessen/ ferw darein zuwerfffen/ schosß also grenlich auff die Festung/ das schon ein theil von der Paßey oder Kündeel gefallen/ vñnd die Maur zerissen/ also das wenig hoffnung war/ dem Feindt widerstandt zu thun/ dan solch erschrocklich schiesfen weret bis an den Morgen frü.

Weil nun Sinan Bassa sich mit solchem schiessen bruchte/ vermeinte solten sich vor im erschrecken/ Hat er/ als ein Hochmüchiger vñnd aufgeblasener Tyrann/ fünff Türcken/ ohn einigen Drummer oder Trummenschlager in die Statt Comorra Vortschafftweiß geschickt zum Herren Braun/ begerende sich zu resoluieren/ ob er die Festung vffgeben wöble oder nicht. Dar auff gemelter Herr Braun geschwigen/ vñnd vier von denselb als bald die Köpff abhauen/ vñnd auff lange Spieß stecken lassen/ auff die Statt Maur gestellt/ damit der feindt solche jre mittigesellen sehn möchre. Den fünfften aker/ hatt er/ dem Sinan Bassa wider zu ruck geschickt/ mit dieser Vortschafft/ Er were kein verräther/ wie der Graff von Hartreeck/ sonder wolte ehe sterben/ dann die Festung auffgeben/ vñnd zuvor seine Händ in des Sinan Bassa bludt waschen.

Als nun Sinan Bassa solchen trost vom Herrn Braun vernam/ ist er gang vnmäßig worden/ in eil wider angefangen zu schiessen/ vñ dar auff

auff irte macht zustricken / Herz Braun als ein dapperer Held / vererb-
bnet alles sein ordentlich mit seinen Kriegsleuthen / das inen wenig scha-
den geschah / der Türcken etliche hundert bliben / vnd schlugen also den er-
sten Sturm / mit der hilff Gottes / ab.

Wie nun der Ludihund sahe / das sein ansuchen / schiessen vnd stür-
men an Comorra nichts helfen wolt / rüflet er sich zum zwayten Sturm /
mit schiessen gewilicher dann zuuor / vnd solcher Sturm weret ein lange
zeit / also / das vil hundert Türcken mehr bliben als im ersten / schlugen
ihn also den zwayten auch ab.

Als nun solch schiessen / stürmen / schlagen vnd stechen ein zeitlang ge-
würet / vermeint der Sinan Bassa sein Tyrannisch gemüth zubrauchen /
wie er Zottis / Raab vnd ändern orten gethan / wolt den dritten auch an-
fangen / In solchem saumpt sich der Herz Braun nicht lang / nam von
seinem Kriegsvolck eins theils zu sich in eil vnd solchs in aller still / zog da-
mit auff der andern seiten zur Statt hinauff / fiel also vnuersehens in ihr
Läger auff ein Schanz / erlangt vnd erobert dieselb / darin jr Geschütz in
war / bracht den Türcken ein schrecken / von all solchem vnuersehenen aus-
fall / lieffen alles stehn vñ lieffen darvon / vnd bliben vber vier tausent auf
dem platz / Also hat diser Christliche Held Herz Braun / ihr Geschütz / ihr
Munition / vnd Prouiant bekommen / solches alles mit fremden in die
Statt geführt / vnd Gott für solche vnuerhoffte Victori / preis / lob vnd
ehr gesagt. Also ist Comorra dißmahl von dem Blutsäufer worden.

Zu diser zeit ist Fürst. Durchleuchtigkeit von Pressburg den 24. dieses
allher gelangt / vñnd folgenden 27. im namen Gottes ihren fortzug auff
Comorra genommen.

In dem kompt zeitung von dar / das / nemlich vergangen Freitag / die
Türcken die Insul daselbsten verlassen / vñnd darauß gezogen / das auch
die vnsern ein groß stück Geschütz dem feindt abgerrungen / vñnd in die
Festung eingebracht. Als nun die vnsern des feindts abzug vermerckt /
haben sie zu Wasser auff das Zottieser landt gesetzt / den Türcken daselb-
sten in ihre Schanzen gefallen / die stück zerhackt / vernagelt / das Pul-
uer angezündt / vnd verbrandt / die Gezälte geplündert / vnd vil Türcken
nidergehawen / durch welches der feindt in ein solche Confusion vnd er-
schreck en gerathen / dieweil er kundschafft gehabt / Ihr Durchlechtig-
keit / ihne anzugreifen vorhabens / auch anders nicht vermeint / dann
es were der ganz Christlich hauff beyeinander / hat er als bald in einer sol-
chen

den grossen vnordnung die suchte genommen/ das der Sinan Bassa sich
 bloß vber das Wasser saluieren möge/ also das Gott lob/ diß ort von dem
 Bludhund wider sicher ist.

Hierauff hat der feind sein züger abermahls an das alte orth auff dē
 Vortteser Berg geschlagen.

Als nun ihr Fürst Durch solche suchte wargenommen/ feind sie mit
 dem von Tiffenbach/ Herrn Nadasti/ Balffy vñ Redern/ in die 10000.
 zu Pferde/ dem süchtigen feind nach geset: also/ das man täglichs von
 dero verrichtung was vernemen wurd. Gott sehe seiner lieben Christen-
 heit zu jeder zeit bey.

Sie hat der Christlicher Leser ein kurzen Bericht/ von der
 entledigung der Stadt vnd Festung Comorra/ Laßt vns der hal-
 ben Gott vmb verzeihung vnserer Sünd bitten/ wir rew vnd
 leidt darüber haben/ vnser leben bessern / ihn von grund vnser
 Herzens anrufen/ das er frid vnd einigkeit verleihen wölle/
 vnder den die sich Christen nennen / ihr verstockt Herz erwei-
 chen / ihre blinde Augen eröffnen / das sie sehen das verderben
 der ganzen Christenheit/ darinnen sich der Erbfeind vñ bludhund
 erfrewt/ vnd nimmer rhu hat/ bis er sein fürnemen vollbringe/
 ein jeder Christ laß ihm zu Herken gehn/ den samer/ ellend vnd
 seuffzen/ so vnsern Mitglidern/ Brüder vnd Schwestern / inn
 Benachparten Landtschafften zuhanden steht / bittet Gott das
 er den gewlichen Gottelasterlichen Wolff nicht weiter in die
 Herde Christi einreissen lasse / welches er inn einem augenblick
 ändern kan / durch die krafft vnd macht des Aller höchsten
 Ritters Jesu Christi/ der seine feind Triumphlich
 vberwunden hatt/ sampt dem Heiligen
 Geist/ Amen.